

**Uunga Siunnersuut: Kommunini illuuteqarnermik ingerlatseqatigiiffiit pillugit Inatsisartut inatsisissaat nr. xx, xx.xx 2011-imeersoq.**

(Nunamut Namminermt, Pinngortitamut Avatangiisinullu Naalakkersuisoq)

**Saqqummiussissut**

(Nunamut Namminermt, Pinngortitamut Avatangiisinullu Naalakkersuisoq)

**Siullermeerineq**

Naalakkersuisut sinnerlugit matumuuna saqqummiuppara Kommunini illuuteqarnermik ingerlatseqatigiiffiit pillugit Inatsisartut inatsisissaattut siunnersuut.

Nalinginnaasumik inissianik suli annertuumik pisariaqartitsisoqartoq aamma inissiat pioreersut aserfallatsaalineqarnissaannik annertuumik pisariaqartitsisoqartoq Naalakkersuisut ilisimavaat. Taamaattumik Naalakkersuisut siunnersuut una saqqummiuppaat, siuliani pisariaqartitsinermt oqaatigineqartumut aaqiiviginneqataasussatut tapeeqataasussaq.

Nunatsinni inissiat pioreersut pitsaassusaasa qulakkeerneqarnissaat inissianillu ullutsinnut naleqquttunik nutaanik sanaartornissaq annertusiartuinnartumik pisariaqartinneqarpoq.

Taamaammatt ineqarnermt tunngasuni illuutinullu allatigut tunngasuni kommunit ineriartortitsinissaannut periarfissaannik eqaannerusunik qulakkeerinissaq Naalakkersuisut kommunillu kissaatigaat.

Kommunit illuuteqarnermik ingerlatseqatigiiffii aktiaateqarluni ingerlatseqatigiiffittut Kalaallit Nunatsinni illuliortiternermut, inissianik illuutinillu aalaakkaasunik piginnittuunermut, aqutsinermt attartortitsinermullu atatillugu suliassanik kommunit isumaginninnissaannut periarfissiinissaq siunnersuutikkut siunertarineqarpoq.

Taamaalilluni siunnersuutip kingunerisaanik Namminersorlutik Oqartussat kommunillu manna tikillugu ingerlatsinertik atorlugu inissiaatitik atorsinnaalissavaat imaluunniit pisariaqartitsineq apeqqutaatillugu allatut aaqiissuteqarsinnaalissallutik.

Pisortat ullumikkut inissiaataat attartortittakkat Namminersorlutik Oqartussanit kommuninillu imaluunniit taakku ataatsimoorlutik aningaasalersorpaat.

Anguniakkanut pingaarnertut ilaavoq, aningaasalersuinikkut nammatassat pisortat oqartussaasuinit nuullugit atorfissaqartitsisunit aningaasalersorneqarnissaat ullumikkornit pitsaanagerusumik periarfissinneqassasoq.

Siunnersuummi kommunini illuuteqarnermik ingerlatseqatigiiffiit avataanniit aningaasalersorneqarsinnaanerat periarfissinneqartussaavoq, taamaalilluni pisortat aningaasaliissutigisartagaat kisimik isumalluutigineqarunnaartussaallutik. Tamatuma nassatarissavaa, pisortanit aningaasalersuisarnermi nammaneqartut siunissaq isigalugu

tassanga tamakkiisumik ilaannakortumilluuniit illuuteqarnermut ingerlatseqatigiiffinnut nuunneqarnerat, taakkumi avataanniit aningaasalersorneqarsinnaalernissaat periarfissaqalertussaammat, ineqarnermut akiliutit aqutigalugit matuneqartartussanik.

Tassunga atatillugu Naalakkersuisut malugeqqussavaat, kommunit naatsorsuutaat missingersuusiortarnerallu pillugit nalunaarut suliaralugu ingerlanneqarmat, tassanilu ilaatigut aalajangersarneqassammat aningaasanut atoriaannarnut kommunip karsiani uninngasuutigineqartussaataasunut tunngasoq.

Kommunini illuuteqarnermik ingerlatseqatigiiffiit avataanniit aningaasalersorneqarsinnaalernissaat pillugit Inatsisartut inatsisaat atuutilerpat kattussuunnermi kommunerujussuannortut annertunerusumik pisinnaatitaaffeqalerlutillu akisussaaffealissapput.

Siunnersuutip matuma suliarineqarnerani ilaatigut Iserit A/S, kommunit KANUKOKA-lu suleqatigilluarneqarput.

Naggasiutigalugu Naalakkersuisut siunnersuutigissavaat inatsisissat matuma aappassaaneerlugu aamma pingajussaaneerlugu suliarineqarnera pissasoq Inatsisartut upernaakkut 2012-imi, aamma isumaliutigineqassasoq kommunini illuuteqarnermik ingerlatseqatigiiffiit inissianik tunisaqarsinnaatitaassat “attartortumiit piginnittumut aaqqissuussinermi” atugassarititaasut assinginik atugassaqartitsilluni.

Taamatut siunnersuuteqarnermi tunuliaqutaavoq siunnersuut manna isigineqassammat Illuut A/S pillugu inatsisissatut siunnersuummut atasumik.

Naalakkersuisut sinnerlugit taama oqaaseqarlunga siunnersuut Inatsisartunut akuersortumik suliassanngortippara.